

Comunità da Zernez

Ledscha d'ustaria dal Cumün da Zernez

As basond sün l'art. 26 da la ledscha d'ustaria pel chantun Grischun dals
7 gün 1998 (LU)

I. Disposiziuns generalas

art. 1

La suprastanza cumünala ha la survaglianza da las activitats d'ustaria.

Survagianza

art. 2

L'execuziun da la legislaziun d'ustaria es chosa da la suprastanza cumünala.

Execuziun

II. Permiss

art. 3

La dumonda per la concessiun d'ün permiss tenor l'artichel 3 alinea 1 LU es d'inoltrar a la cancellaria cumünala almain ün mais avant co rivir o surtour üna gestiun o avant la realisaziun d'ün arrandschamaint.

Dumonda

La dumonda sto cuntgnair las seguaintas indicaziuns:

- a) las persunalias e l'adresa da la persuna, per la quala il permiss dess gnir emiss
- b) la descripciun exacta da la gestiun o da l'arrandschamaint
- c) la descripciun exacta d'eventualas gestiuns secundaras
- d) la dūrada giavüscheda dal permiss

A la dumonda sun d'agiundscher:

- a) ün extrat dal register penal
- b) la conferma cun suottascripciun tenor l'artichel 5 alinea 3 LU.

art. 4

Premiss cha las cundiziuns e prescripziuns legalas sajan accumulidas, vain concess il permiss in scrit al petent avant l'avertüra o la surtutta da la gestiun o avant chi ha lö l'arrandschamaint.

Concessiun

art. 5

Il permiss po gnir collià cun pretaisas, specialmaing davart il dret d'access e la dūrada da trategn dals giuvenils sco eir davart las uras d'avertüra e la protecziun cunter canera.

Pretaisas

./.

art. 6

**Ledschas
resalvadas**

Las prescripziuns da la ledscha da fabrica federala, chantunala e cumünala surtuot quellas da la planisaziun, da fabrica, da la protecziun da l'ambient e da l'inspectorat da victualias sun da resguardar toccantamaing.

art. 7

**Ingrondimaints,
spostamaint,
müdamaint dal
gener da gestiun**

1. Ingrondimaints considerabels e dislocaziuns da gestiuns sco eir müdamaints dal gener da gestiun dovran ün permiss special.
2. Per la dumonda vala l'artichel 3 alineas 1 e 2 confuorm al sen.

art. 8

**Commerzi in
detagl cun
bavrandas
destilladas**

Dumondas per la concessiun d'ün permiss pel commerzi in detagl cun bavrandas destilladas sun d'inoltrar a temp sül formular official a l'uffizi chantunal per economia e turissem, e quai avant l'avertüra o la surtutta d'üna gestiun o avant chi ha lö ün arrandschamaint. Il formular as poja retrar pro l'administraziun cumünala.

III. Uras d'avertüra

art. 9

**1. gestiuns
a) in general**

Il manaders da gestiun pon fixar las uras d'avertüra tenor lur parair.

art. 10

b) excepziuns

Scha'l mantegnimaint dal pos public da l'uorden public e da la sgürezza publica pretendan, pon per las singulas gestiuns gnir fixadas las uras d'avertüra.

art. 11

**2. Arrandscha-
maints**

Per arrandschamaints cun ustaria vegnan fixadas las uras d'avertüra e las taxas da cas a cas.

IV. Taxas

art. 12

1. Per conceder ün permiss vegnan inchaschadas las seguaintas taxas:
 - a) per gestiuns frs. 100.- fin frs. 1000.-
 - b) per arrandschamaints cun ustarià d'ün di frs. 50.-
 - c) per ingrondimaints, dislocaziuns e müdamaints da la gestiun frs. 50.- fin frs. 300.-.
2. Per fixar las taxas i'l singul cas sun da resguardar adequatamaing ils cuosts administrativs sco eir l'interess e la productività economica da la persuna obliada da pajar la taxa.

**Taxas da
permiss**

art. 13

Per ulteriurs acts officials, sco controllas extraordinarias da singulas gestiuns o arrandschamaints, vain inchaschada üna taxa da frs. 50.- fin 200.-.

**Taxas
specialas**

V. Disposiziuns penelas, mezs legals

art. 14

Cuntravenziuns cunter quista ledscha e cunter las disposiziuns executivas lapro sco eir cunter la ledscha chantunala d'ustaria e las disposiziuns executivas da quella vegnan chastiadas cun resalva da l'artichel 15 i'l ram da l'artichel 22 LU.

Il general

Avant co chastiar sto gnir dat a l'achūsà il dret da tour posiziun in scrit.

art. 15

Cunter disposiziuns da la suprastanza cumünala in basa a la ledscha chantunala o a quista ledscha po gnir fat recuors in scrit infra 20 dis daspö la comunicaziun pro'l gūdisch administrativ chantunal.

Mezs legals

./.

VI. Disposiziuns finalas

art. 16

**Disposiziuns
executivas**

La suprastanza cumünala po relaschar disposiziuns executivas.

art. 17

**Aboliziun dal dret da
fin uossa**

Cun l'entrada in vigur da quista ledscha vain abolida la ledscha d'ustaria e d'hotellaria dals 23-03-1980 sco eir tuot las disposiziuns chi tilla cuntrafan.

art. 18

**Disposiziuns
transitorias**

Permiss concess avant l'entrada in vigur da quista ledscha sun valabels illimitadamaing, scha'l possessur dal permiss maina inavant la gestiun il listess ram.

art. 19

**Entrada in
vigur**

Quista ledscha es gnüda acceptada da la radunanza cumünala dals 14 avrigl 2000 ed aintra in vigur retroactiva pels 01.01.2000

Il president:

Mr. Buehls



L'actuar:

D. Aquino

Zernez, 20-04-2000